

UTIT INI YE UKPEREDEM EDIM

James 4:1-10; 5:1-9

ỌYỌHỌ UKPEP-ŃKPỌ 451

Eke Ikọ Owo

IKỌ IBUOT: “Mmọdo mbufo nde ebeñe idem; koro ke ini eke mbufo midorike enyin, Eyen owo eyedi” (Matthew 24:44).

I Mme Idiọñ Utit Ini

- 1 Idiọk udọñ edemere utọk, James 4:1-3; James 1:14, 15
- 2 Edidi ufan ye ererimbot edi edidi usua ye Abasi, James 4:4, 5; 1 John 2:15
- 3 Ke ekọ inyene ebon ọtọ kiet enọ ukperedem usen, James 5:1-3; Ecclesiastes 5:10; 1 Nwede Timothy 6:10
- 4 Abiaña awak, James 5:4; Jeremiah 22:13
- 5 Mme ama inemesit eyọhọ kpukpru ebiet, James 5:5; Luke 8:14; 2 Nwede Timothy 3:4
- 6 Ebiom ndinen owo ikpe enyuñ ewot mmọ, James 5:6; Matthew 24:9; John 16:2

II Ndikan Idiọk

- 1 Abasi ọnọ mbon nsuhọre-iem mfọn, James 4:6, 10; Psalm 138:6; Luke 14:11
- 2 “Eñwana ye Satan, ndien enye eyefehẹ ọkpọñ mbufo,” James 4:7; 1 Peter 5:8, 9
- 3 “Esaña ekpere Abasi, ndien Enye eyesaña ekpere mbufo,” James 4:8; Mme Nke 8:17
- 4 Mme anam-idiọk enyene ndikabare esit, James 4:8, 9; Matthew 4:17; Utom Mme Apostle 17:30

III Idorenyin Mme Andikan

- 1 Ọtọ-iñwañ etie ebet “akpa ye ukperedem edim,” James 5:7; Utom Mme Apostle 2:14-21
- 2 Eridi Ọbọñ ke ekpere, James 5:8, 9; Luke 21:28

SE EKPEPDE-EBAÑA

Nte Spirit eketemede mmọ efen ndiwet mbaña mme edu-uwem utit eyo, ntre ke eketeme James nko ndiwet man oto do eneñere edemere esit mme owo ọyọhọ-ọyọhọ. Spirit eyeneñere owut kpukpru owo ntak ekpeyomde uwem edinen-ido akpanikọ ke akpatre ini emi.

“Ekọñ Ye Etop Ekọñ”

Jesus ama etiñ ọnọ mbet Esie ete ke ekọñ ye etop ekọñ edidi kiet ke otu mme idiọñ utit eyo emi. Ikọ Abasi etiñ ọnọ nnyin ete ke “ekọñ ye eñwan” eto “idiọk itọñ emi eñwanade ekọñ ke ndido mbufo.” Ke akpanikọ, ekeme nditiñ mbaña kpukpru eñwan, ke edide eke ofuri ererimbot me onyuñ edide ke ufọt owo kiet ye eken. Eñwan ikpoduhe edieke owo mikpenyeneke idorenyin udori, yak utit edi se ededi.

Kiet ke otu mme usuñ emi ekabarede idiọk itọñ edi, udọñ emi owo mikemeke ndikpeme. Udọñ ndiyom odudu me itie ke ndusuk ini oduk ke otu mme okpono Abasi nko, onyuñ ada edidianare owo ye Abasi edi, edidianare ye akpan ufan; onyuñ ọnọ mme asua Eti-mbuk ifet ndinyan nnuen-ubọk nsahi.

Utọ idiọk-ńkpọ emi ekeme ndidi ekpri ke editọñ, edi ọkọri usọp-usọp. Ndusuk owo efen ada itie emi afo ekekerede ete edidi okuo. Afo anam didie? Nte ọmọbọñ akam ọnọ enye? Me ekpeme ebet ndikut mme ndudue man emen etiñ ọnọ mbio efen? Mme anditiene-Christ enyene ndikpeme kpukpru ini mbak utọ enyene-ńkari idiọk-ńkpọ emi.

Akam Emi Ibọrọ Miduhe

Ikọ Abasi mi etiñ ntak emi ibọrọ miduhe inọ ndusuk akam: mmọ enyene idiọk udọñ. Isuñ-utom Abasi nnyin emi akakade Japan etiñ nnen-nnen ete, “Abasi eyenọ se inanade, edi idighe idiọk udọñ nnyin.” Abasi ọmọfiọk esit owo kiet-kiet, edi Enye esiwak ndimum se mifonke ye nnyin nkama.

“Mbufo ebeñe, edi inoño mbufo, koro mbufo ebeñede ke idiok usuñ, man eda edep ñkpọ-mbre.” Abasi ọbọrọ kpukpru akam emi otode ofuri esit nte enye otimde ọfiok, ndusuk ini ye “Ih,” me “baba,” me “bet.” Etiñ mbuk ebaña owo emi ọkọbọnde akam abaña obufa ubomisọñ, edi Abasi ọbọrọ akam esie ke ndinọ enye obufa ikpa-ukot.

Ediọño akpatre ini emi oto ke mme akam emi ibọrọ miduhe. Esikop mme owo ebupde ndusuk ini, “Nso idi ntak emi ọsọnde ndibọ ibọrọ akam? Ibọrọ mbume emi edi, mme owo eneñere ese mbubehe idem mmọ tutu enana ini ndibiat mbọñ akam, ndien edieke ebọnde akam, mmọ ebọñ eyom udọñ esit mmọ. Abasi okpono mmọ emi ebiatde ini ke akam eyom erinyaña enọ mme ukpọñ owo ye ñka-iso utom Obio-ubọñ Esie. Eñwọño Esie edi, “Mkpe-ubok edinen owo enyene odudu eti-eti ndinam ñkpọ” (James 5:16). Edieke ibọrọ akam miduhe, eyak nnyin ikusuñi Abasi, edi eyak ifiok ite ke ñkpọ ke ọsuhọ kaña ọnọ nnyin ndinam.

Mme Oyom Inemesit

Edieke Iko Abasi mikpetiñke ñkpọ ibaña enye, nnyin imekeme ndisọp ñkut ete ke ediyom inemesit edi idiọño ini emi nnyin idude mi. Nwede Abasi ọdọhọ, “Edi fiok emi, ete ndiok eyo eyedu ke ukperedem ini. Koro mme owo eyedi . . . ema mbre ekan Abasi” (2 Nwede Timothy 3:1-4). Eneñere efiok ete ke mbio America ebiat nsuhọre ñkaha billion dollar aba (\$40 billion) kpukpru isua ndiyom inemesit ke ini nduok odudu mmọ. Enyam ticket ke mme ufok ndise million aba ye ition ke urua. Ekebe-ndise akpa ñkpọ nte million dollar ikie usukkiet (\$900 million). Udiana ibat efen edi nte mme ama inemesit obio America ke isua 1960 ekebiatde million dollar ikie itaita (\$800 million) ke mbre golf, billion kiet (\$1 billion) ke utop, billion iba (\$2 billion), ke ukọ iyak, billion iba ye ubak (\$2.5 billion) ke uwat-ubom.

Idahaemi enyam nwede-mbre emi owo mikọfiokke ke isua edip emi ekebede esim tọsin ke itie million kiet, ke ekọm-urua emi osimde million dollar ikie ke isua kiet. Mbio America emi ewakde ekan million duop ke ekpep unek. Mmọ emi esede ñkpọ ebaña utọ-iñwañ ema ewet ete ke 1960, ke United States ema enyene sika emi ekekperede billion 500 emi ekenyamde enọ mme owo ke ibat okuk emi ebede billion \$6.

Eda ediwak ini emi ekpedade ekpono Abasi ebiat ke ndibine mme inemesit emi. Nso ineñere idi akpan ñkpọ ke inemesit ererimbot emi owo ọduokde ukpọñ esie man enyene enye? Kpukpru emi owut akpanikọ kiet, ete ke mbio America efiak etiene ukpono-ndem. Mmọ edi mbon emi etuakde ibuot enọ idem mmọ, mbufa ebiet iduñ, ikpọ ubomisọñ, okuk, ediwak ọfọñ ye inemesit ererimbot. Akpa ewuhọ edi: “Kunyene abasi efen ukọrọ ye Ami” (Exodus 20:3).

Mme Andikan

Ke otu idiok emi eketiñde ebaña utit ini, eñwọño ọwọrọ ada ete ke nditọ Abasi ekeme, enyuñ enyene ndidi mme andikan. Ewut usuñ emi ekemedede ndida ñkan. Enyene ndiduok iseri, kiet ke otu ñkpọ emi Abasi asuade, ndien nsuhọre-idem enyene ndida itie esie. Ke nso usuñ ke edinam emi? Ke ndiyak idem nnọ Abasi. Enyene ndiñwana ye andidiok, ntre enye eyefehe ọkpọñ eyen Abasi. Nte owo ekeme ndiñwana ñkan andidiok? Jesus ama ọno nnyin uwut-ñkpọ ete ke ekeme ndiñwana ñkan andidiok oto ke Iko Abasi, edi owo enyene ndifiok Iko Abasi man oto do ada akan andidiok, ntre edi ewuhọ nte anditiene-Christ ekpep Iko Abasi.

“Mmọ ema ekan enye oto ke iyip Eyen-erọñ, onyuñ oto ke se mmọ etiñde nte ntiense” (Eriyarare 12:11). Eyen Abasi enyene unen ndifehe ntiene Iyip Enye emi ekekọnde ndinyuñ mbeñe odudu emi odude Iyip oro ndikara uwem esie. Andidiok asua Iyip Christ koro ekeduok enye man efen mme idiok-ñkpọ, ñko enye edi ntiense ọnọ nsinsi nsobo andidiok. Ke ini anditiene-Christ efehede etiene Iyip, andidiok ọkpọñ enye.

Utibe eñwọño efen edi, “Esaña ekpere Abasi, ndien Enye eyesaña ekpere mbufo” (James 4:8). Nim mme ñkpọ uwem ñkañ-ñkañ, fre baña mme ukut usen ke ekpri ini, beri usuñ baha idem fo ikpọñ ye Abasi, wuk ekikere ye esit fo ke Enye ke akam, ndien se nte Enye edidiọnde ukpọñ fo usọp-usọp. Edieke nnyin mikemeke ndibọñ akam mbọ Abasi ibọrọ, ntak edi koro kpukpru ini ekikere ye esit nnyin eyọhọ ye mme ekikere ye mme ñkpọ efen. Ikpaaha owo idem eti koro Iko Abasi ọdọhọde ete, “enam esit mbufo esana, mbon esit iba” (James 4:9).

Inyene

Iko inyene ye mbon inyene eduk ke mbuk utit ini emi. Ererimbot kpukpru ini ọfiok abaña mbon inyene, edi akpanikọ emi edọhọde ete, mbon inyene ye inyene ewak mfin emi ke ererimbot ekan nte ekedide ke akpa idighe se enenide. Edọhọ ete, edieke Adam okpokodude uwem osim mfin, ndien enye ekpekekeme ndinim

\$10,000 ke isua kiet ke kpukpru tɔŋɔ ke ini esie tutu osim eke nnyin, inyene esie ekpedi ekpri ke ndida ndomo ye inyene owo kiet-kiet mfin. Ke n̄wed mbuk n̄kpɔ-ntibe emi ewetde ini kiet ke urua, etiñ ebaña ete ke nsuhɔre n̄kaha, mbio America iba edi mme enyene-okuk ke tɔsin ke itie million (billionaires). Edieke mme owo emi ekpedide ndidem, mkpɔsɔn̄ ndidem Edem Usiaha-utin, owo ikpeneñekede idu ke mkpaidem; edi mme owo emi enyenede utɔ inyene emi edi mme nditɔ owo emi enamde mbubehe idem mmɔ. Ibat mme enyene-okuk ke million (millionaire) ke ererimbot ke ewewak, edi okuk iwɔrɔke n̄kpɔ ke ini etiñde ebaña ndinyene nsinsi uwem. Ini kedi emi inyene edidade ukut idi utu ke inemesit. N̄wed Abasi ɔdɔhɔ ete, “N̄karafañ ama ata gold ye silver mbufo; n̄karafañ oro eyenyuñ edi ntiense abaña mbufo, eyeta obukidem mbufo nte ikañ” (James 5:3).

Ekpri Uñwana Idorenyin

Ekpri uñwana idorenyin kiet ayama ebe mme usen mfuhɔ ye ekim utit ini emi, ukem nte ɔkpɔsɔn̄ uñwana asiakde ekpri usuñ ebe ke n̄kim-n̄kim ikpa enyɔn̄ ke okoneyo. Jesus ke edi! “Eme ime ndien, nditɔ-ete, tutu ɔbɔn̄ edi” (James 5:7). ɔtɔ-iñwañ etie ebet mbuñwum isɔn̄ onyuñ enyene anyan ime. Akpa edim edi ndien ekperedem edim ke ini esie. Ekpɔnɔre kpukpru n̄kpɔ emi akpadade idiɔk edi enim, etañ se edɔkde eduk.

ɔbɔn̄ ɔdɔhɔ ete kpa ntre eyetañ nditɔ Abasi ke akpatre eduk ke Heaven. “Akpa edim” ekedep ke Pentecost (Se Joel 2:21-29; Utom Mme Apostle 2:14-21) ndien mfin emi “Ukperedem Edim” ke ededep, ndien mme owo ke ebɔ. Ini emekem ɔnɔ kpukpru ndidemere, ndinyene nnyuñ nsin aran ke utuenikañ ye ke ekpeme mmɔ, koro mfiori ke eyomo ke kpukpru ebiet: “Sese, ɔdɔ-ndɔ! Mbufo ewɔrɔ eka ekesobo ye enye” (Matthew 25:6). Emi edi akpatre ukot owo mbemiso eñwaña eso iyaresit Abasi eduɔk ke ini Akwa Ukut. Mme usen mfin edi mme akpatre usen emi ebemde eridi ndimen N̄wan-ndɔ Esie nsio. Mbiomo emi odoro kpukpru mmɔ emi enyenede Uñwana oro, ndisaña ke esit, koro Uñwana oro emedi; ndien idinam didie ibɔhɔ edieke nnyin misañake ke esit, minyuñ iyomke inyuñ ibɔhɔ kpukpru se ɔbɔn̄ ekedepde onyuñ onim ɔnɔ nnyin?

Utut ini edi mme ndiɔi usen, edi mmɔ ekeme ndidi nti usen enɔ nditɔ Abasi koro mmɔ ebemde edifiak ndi Jesus iso. Erinyaña Abasi edi n̄kukure usuñ ubɔhɔ ɔnɔ akwa afanikɔn̄ emi anade ebet ererimbot emi. Mfɔn Abasi edi n̄kukure ubɔhɔ ɔnɔ idiɔk ererimbot nsobo ye nditaha emi.

MME MBUME

- 1 Nso idi ntak ekɔn̄ ye eñwan?
- 2 Nso idi ntak emi mibɔrɔke ndusuk akam?
- 3 Edieke owo edide ufan ye ererimbot, nso ke enye edi ye Abasi?
- 4 Nso ke Abasi anam ɔnɔ owo iseri? Owo emi osuhɔrede idem?
- 5 Nte ekeme ndinam Satan efehe? Didie?
- 6 Owo ekeme ndinam didie man Abasi asaña ekpere enye?
- 7 Nso ke mbon inyene enim ɔtɔ kiet enɔ utit ini?
- 8 Siak n̄kpɔ iba emi eyomde man enyene mbuñwum isɔn̄; mbuñwum eke spirit.
- 9 Ewe idorenyin ekpedi akakan ke esit mme anditiene-Christ ke utit ini emi?